



Sarajevo, 05.07.2024. godine
Broj: NO-22612/24-40./4.

SKUPŠTINA DRUŠTVA

O B R A Z L O Ž E N J E prijedloga Odluke o pokriću gubitka za 2023. godinu

Ostvareni finansijski rezultat za 2023. godinu je gubitak u iznosu od 327.580.153 KM. U skladu za važećim računovodstvenim i poreznim propisima taj iznos se koriguje sa efektom smanjenja odgođene porezne imovine (rashod) u iznosu od 4.213.659 KM te gubitak iz redovnog poslovanja iznosi 331.793.812 KM. Efekat smanjenja odgođene porezne imovine se sastoji od smanjenja po osnovu otpuštanja ranije formirane odgođene porezne imovine po osnovu gubitaka od interno urađene procjene vrijednosti udjela u zavisnim društvima rudnicima uglja u iznosu od 5.515.858 KM i od povećanja odgođene porezne imovine po osnovu rezervisanja za sudske sporove i po osnovu troškova amortizacije u iznosu od 1.302.199 KM. Po osnovu rezervacija za primanja radnika u skladu sa Međunarodnim računovodstvenim standardom 19 obračunati su aktuarski gubici u iznosu od 2.039.594 KM, koji se evidentiraju kroz sveobuhvatnu dobit, tako da je ukupni rezultat za 2023. godinu gubitak u iznosu od 333.833.406 KM. Dio ukupnog rezultata koji je evidentiran kroz sveobuhvatnu dobit je već evidentiran kroz kapital, tako da se taj dio gubitka ne pokriva.

Članom 31. Zakona o računovodstvu i reviziji FBiH (Službene novine FBiH broj 15/21) je propisano da se na kraju poslovne godine poslovne knjige zaključuju, a zatim se na osnovu evidencija iz poslovnih knjiga utvrđuje stanje imovine, obaveza, kapitala i finansijski rezultat sa приходима i rashodima obračunskog perioda na koji se taj rezultat odnosi, te da raspoređivanje dobiti i gubitka pravno lice vrši u skladu sa odredbama propisa o privrednim društvima i tog zakona, internog općeg akta i odluke nadležnog organa.

Članom 257. stav g) Zakona o privrednim društvima (Službene novine Federacije BiH broj 81/15 i 75/21) i članom 76. tačka 7. Statuta Društva, Nadzorni odbor Društva je nadležan da Skupštini Društva predloži način pokrića gubitka. U skladu sa članom 234. tačka f) Skupština dioničkog društva odlučuje o načinu pokrića gubitka. Članom 37. Statuta Društva je propisano da odluku o pokriću gubitka donosi Skupština Društva nakon odlučivanja o godišnjem izvještaju o poslovanju, te da se gubitak pokriva iz fonda rezervi u skladu sa zakonom, iz zadržane dobiti i iz osnovnog kapitala, uz istovremeno donošenje odluke o smanjenju osnovnog kapitala i iz drugih izvora u skladu sa zakonom.

Predlaže se pokriće ostvarenog gubitka iz redovnog poslovanja u 2023. godini u iznosu od 331.793.812 KM na teret zadržane (akumulirane/neraspoređene dobiti) iz prethodnih perioda u iznosu od 173.931.837 KM i na teret fonda rezervi u iznosu od 157.861.975 KM. Ukupan saldo zadržane dobiti na dan 31.12.2023. godine iznosi 173.931.837 KM. Ukupan iznos u fondu rezervi na dan 31.12.2023. godine iznosi 589.156.513 KM, što čini 26,34% osnovnog kapitala JP EPBiH.



44 100 2243072
44 126 2243072
44 764 2243072

Vilsonovo šetalište 15, 71000 Sarajevo, BiH

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Termoelektrana broj 1
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumeće 182a
«Elektrodistribucija», Zenica, Safvet bega Bašagića 6

Prema Zakonu o privrednim društvima (Službene novine FBiH 81/2015), formiranje i korištenje rezervi je definisano članovima od 180. do 182.:

Član 180.

(3) Fond rezervi iznosi najmanje 25% osnovnog kapitala dioničkog društva.

Član 181.

(1) U fond rezervi izdvaja se najmanje 10% godišnjeg iznosa neto dobiti sve dok fond rezervi ne dostigne iznos iz člana 180. stav (3) ovog zakona.

(2) Ukoliko izdvajanjima iz stava (1) ovog člana fond rezervi ne dostigne visinu iz člana 180. stav (3) ovog zakona do kraja pete poslovne godine, po godišnjem obračunu za petu i naredne poslovne godine dioničko društvo će povećati izdvajanja za ove namjene na 20% godišnjeg iznosa neto dobiti sve dok fond rezervi ne dostigne iznos iz člana 180. stav (3) ovog zakona.

Član 182.


(1) Fond rezervi koristi se za pokriće gubitka i drugih nepredviđenih troškova u poslovanju dioničkog društva.

(2) U slučaju smanjivanja vrijednosti fonda rezervi ispod 25% iznosa osnovnog kapitala, dioničko društvo je dužno vršiti izdvajanja u skladu sa odredbama člana 181. stav (2) ovog zakona.

Pokrićem gubitka za 2023. godinu u iznosu od 331.793.812 KM u potpunosti će biti iskorištena zadržana dobit iz prethodnih perioda (173.931.837 KM). Ostatak rezervi nakon pokrića gubitka će iznositi 431.294.538 KM, što čini 19,28 % osnovnog kapitala. To dalje znači da će se prilikom raspodjele dobiti koja bude ostvarena u narednom periodu 20% neto dobiti raspoređivati u fond rezervi do dostizanja zakonskog minimuma.

U skladu sa članom 3. stav 1. tačka a) Odluke o prethodnoj verifikaciji akata u JP Elektroprivreda BiH d.d. – Sarajevo, broj: NO-34929/13-31./4. od 28.11.2013. godine, potvrđena je zakonitost, stručnost u obradi, ispravnost i opravdanost donošenja Odluke o pokriću gubitka Javnog preduzeća Elektroprivreda Bosne i Hercegovine d.d. – Sarajevo za 2023. godinu.

Nadzorni odbor Društva je na 40. sjednici održanoj 05.07.2024. godine utvrdio prijedlog Odluke o pokriću gubitka za 2023. godinu i isti upućuje Skupštini Društva na odlučivanje.

Predsjednik
Nadzornog odbora

Vedran Kaser



Vilsonovo šetalište 15, 71000 Sarajevo, BiH

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Termoelektrana broj 1
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumeće 182a
«Elektrodistribucija», Zenica, Saftet bega Bašagića 6



PRIJEDLOG ODLUKE
koga Skupštini Društva u niže izloženom
tekstu radi donošenja upućuje:

Nadzorni odbor
JP Elektroprivreda BiH d.d. - Sarajevo
Predsjednik

Vedran Kaser

1 Sarajevo, 05.07.2024. godine

Na osnovu člana 234. tačka f) Zakona o privrednim društvima (Službene novine FBiH broj 81/15 i 75/21), člana 31. Zakona o računovodstvu i reviziji FBiH (Službene novine FBiH broj 15/21), člana 37. i člana 62. tačka 7. Statuta JP Elektroprivreda BiH d.d. – Sarajevo, prečišćeni tekst broj: NO-2190/21-41./2. od 25.01.2021. godine i Statuta o dopuni Statuta Javnog preduzeća Elektroprivreda BiH d.d. – Sarajevo, broj: SD-20745/21-70./6. od 30.07.2021. godine, _____ (redovna) Skupština Javnog preduzeća Elektroprivreda Bosne i Hercegovine d.d. – Sarajevo je na _____ sjednici održanoj _____ godine, donijela

ODLUKU
o pokriću gubitka za 2023. godinu

Član 1.

Gubitak iskazan u Izvještaju o poslovanju JP Elektroprivreda BiH d.d. - Sarajevo za 2023. godinu u iznosu od 331.793.812 KM pokriva se kako slijedi:

- iznos od 173.931.837 KM na teret zadržane (akumulirane, neraspoređene) dobiti iz prethodnih perioda i
- iznos od 157.861.975 KM na teret fonda rezervi.

Član 2.

Ova Odluka stupa na snagu danom donošenja.

Broj:
Sarajevo,

Predsjednik Skupštine